



DEO OPT. MAX.

UNI ET TRINO,
VIRGINI DEI-PARÆ, ET S. LUCE,
Orthodoxorum Medicorum Patrono.

QUÆSTIO MEDICA,
QUOD LIBETARIIS DISPUTATIONIBUS,
*manè discutienda in Scholis Medicorum, die quartâ mensis
Februarii. An. Domini M. DCC. LXVIII.*

M. CAROLO SALLIN
Doctore Medico, Præside.

An curanda lûi venerea confirmata, methodus extinctionis aliis præstantior?

I.

ETSI lues venerea confirmata, ceû Protheus alter
varias variis in subiectis induat formas, sât se se
tamèn suis symptomatibus prodit. Ea licèt innume-
ra discernere, ea licèt rebellantia debellare medi-
cum spectat. At quibus armis hostem impetet? Hy-
drargiro. Eo reverà (*) nullum hæc tènus notum/huic fatali malo
remedium. Ejus naturam & agendi modum tu nè quæsieris;

(*) Nonnulli etiàm medicamentis è vegetantium profapiâ depromptis hunc mor-
bum impetunt, ea verò sæpè hydrargiro consociantur, alitèr antiveneris non an-
nueranda. Nemo enim nescit guaiacum aliaquè ligna sudorifera, olim ad curationem
illius morbi usitata, ut irrita penitès obsolevisse nequè nisi tanquàm adminiculum
unquàm adhiberi.



Efficacius

mihi magnus erit Apollo qui rem planam fecerit. Verùm si hominis est nescire quonàm modo hydrargirum, hujus morbi fiat antidotum, Medici est nosse quonàm modo sit administrandum, ut eo morbus eradicetur. Multiplex enim illius administrandi methodus. Non eadem singulis virtus, non idem singulis exitus. Cùm verò nulla sit sinè vitiis, optima illa censenda est quæ minimis urgetur.

I I.

EA est morbi venerei malignitas, ut si mancâ curatione vel minimum superstiterit illius veneni vestigium, generatione, si qua fuerit, ad posteros usquè longâ & infinitâ serie transmittatur, & alia mille hinc emergant incommoda. Per magni igitur interest perfectiorem assignare illius sanandi modum. At ex omnibus methodis hætenus notis, pleræque sunt invalidæ, nonnullæ sunt periculosæ. Has proscribere, illas respicere debet Medicus. Institutâ igitur singularum comparatione, ponderatis æquâ bilance singularum dotibus & vitiis, ratione & experienciâ iudice, palma illi methodo decernenda, quæ nullis in circumstantiis renitens, nullis unquàm obnoxia periculis, omnibus venerè labe infectis accommoda, promptam constanter à certam sanationem confert.

I I I.

(a) Astruc... de
parciore hydrar-
giri.

HAS methodus extinctionis plenè sibi vindicat dotes. Eâ hydrargirum eo dispensatur modo, quo nullum in sanguine (a) tumultum, nullum ullis partibus detrimentum ferre queat. Roris ad instar, pèr singula corporis vasa, circulationis ope diffunditur. Virus ubicumquè latet, impetit, fugat. Nullus est locus in quo vires non exerat beneficas, nèc (*) cessat

(*) Ut sanationem non semper probat symptomatum fuga, sic nequè semper infirmat illorum præsentia. Licet igitur debitam post curationem, non omnia statim evanuerint, nè timeas; suum pedetentim ac tacitè pensum absolvet hydrargirum, modò nulum operanti, præceps aut incautus, attuleris impedimentum.

donèc causa morbi fugerit. Si aliqua suboluerit ad pytalismum pro-
pensio, antidota neminem latent. Ubi cumquè alia methodi cedunt,
(b) ista triumphat. Generalitèr omnibus convenit; (c) senibus,
infantibus ipsis &c. tutò potest administrari. Illius autèm admi-
nistratio nihil unquam habet periculi, nèc fastidiosa est, nèc diu-
turna. Hæc frustra speres de aliis methodis commoda.

I V.

JUXTA alias methodos, hydrargirum vel intus vel extus
administratur. Intus dispensandi præparatio duplex. 1^o: Va-
riis extinctum (d) substantiis, non nisi paucas attingit veneni
longè latèquè diffusi particulas, alias mittit intactas quæ sopi-
tos ignes cineri doloso suppositos fuscitant, ac priore majus in-
cendium pariunt. 2^o: Acidis confociatum, salia constituit mercu-
rabilia faciliùs equidèm unà cum humoribus abripienda. At vel
acido redundant, vel hydrargiro, sunt satura. Si primum à venenis
non differunt, proindè rejicienda. Si secundum, ptyisma movent,
ergò parcâ dosi diù administranda. Doseos parcitas non sanat, ad-
ministrationis diurnitas nocet.

Hydrargirum ad extus, viâ unctionis aut suffutis aut largioris
illitionis adhibetur. Priores methodi curationi non suppetunt,
tamèn incommodis & periculis scatent. Posterior aliquandò, non
semper sanat, adeò variis in peristasis arduum est justos at-
tingere pytalismi fines. Præterea lenta nec omnibus (e) apta,
tot laborat (f) incommodis, ut pleriquè illam fastidiant ægri. In-
commodis, adde (g) pericula quæ hîc enumerare justo pro-
lixius foret. Res enim indicare satis est, differendi non est hîc locus.

V.

METHODUS extinctionis hîc celebrata, aliquot licèt exi-
guos forsàn habet etiàm nævos. Verùm ubi plura nitent,
non ego paucis offendar maculis. Non me latet multos venerèa
lue correptos, ope sublimati (h) ipsius corrosivi, sanitati fuisse

(b) Vide thesaurum
Parisis agitatum
anno 1741., An
Ptyalismus frictio-
nibus mercuriali-
bus provocatus per-
festa luis veneræ
curationi adverse-
tur?

(c) Consule dis-
sertationem Do-
mini Chycoineau.
De salivatione ab-
leganda.

(d) Vide opus-
culum cui titulus.
Jacobi Josephi
Plenck Chirurgie
atquè artis obste-
tricæ magistri, No-
va faciliquè me-
thodus hydrargi-
rum exhibendi æ-
gris labe veneræ
infectis, &c. Vin-
dob, 1766., ibi
varia describuntur
experimenta tam
chymica, tam cly-
stica, circa hydrar-
giri gummi
cum arabico sub-
actum.

(e) Jacob. Bet-
hencourt, Nicol.
Massa, Joh. Pas-
chal, Aloys. Lobe-
ra, Theod. de Hery,
Leon. Botat, Peir.
de Torres, Sebast.
Corillon.

(f) Van Swie-
ten comm. T. I. §.
135. p. 206. 207.

(g) Astruc, lib.
IV cap. X.

Maximil Locher.
obser. præc. circi.
Luem. pag. 11.

(h) Conf. The-
sin Paris. nuper
propugnata. An
luis veneræ subli-
matum corrosivum?

(i) Astruc. traité
des tumeurs,

redditos. At quis dubiam, quis periculosam hanc subire aleam audeat, donèc artis magistri statuerint quomodò & quandoràm absquè periculo possit adhiberi remedium. naturâ suâ (i) periculosum, donèc, congestis experimentis, in re tam gravi, sapientes, prò more suo, sanxerint leges? Interim cùm, singulis methodis ad examen redactis, aliæ faciles incommoda, aliæ incertæ & limitatæ pericula prodiderint, sola verò extinctoria sempèr & ubiquè sit victrix, omnibus congrua, nullibi periculosa &c. non gravabor concludere.

Ergò curanda lui venerea confirmata, methodus extinctionis aliis præstantior.

DOMINI DOCTORES DISPUTATURI,

M. Joannes D'ARCET.

*M. Ludovicus Gilbertus
Alexander BOYROT DE
JONCHERES.*

M. Petrus ARCELIN.

*M. Franciscus THIERY
DE BUSSY, Consiliarius
Medicus Regis ordinarius in
supremo Senatu Parisiensi
designatus.*

*M. Carolus SALLIN, Ac-
tûs præses*

M. Petrus CHEVALIER.

*M. Hugo GAUTHIER,
Bibliothecæ facultatis præ-
fictus designatus,*

*M. Simon VACHER.
Regis exercituum in insulâ
Corsicâ Medicus.*

M. Franciscus BERNARD

Proponebat Parisiis AMBROSIVS-AVGVSTVS BELANGER Parisinus, Doctor
Medicus Remensis, Saluberrimæ Facultatis Medicinæ Parisiensis Baccalaureus,
Theſeos Author. A. R. S. H. 1768. à Sextâ ad meridiem.